

Awdurdod Tân ac Achub Gogledd Cymru Panel Gweithredol

Cofnodion cyfarfod Panel Gweithredol Awdurdod Tân ac Achub Gogledd Cymru a gynhaliwyd drwy Zoom ddydd Llun, 26 Gorffennaf 2021. Dechreuodd y cyfarfod am 2.00pm.

Yn bresennol

Y Cynghorwyr:

P Lewis (Cadeirydd)	Cyngor Bwrdeistref Sirol Conwy
D Rees (Dirprwy Gadeirydd)	Cyngor Sir Ynys Môn
A Davies	Cyngor Sir Ddinbych
M Ll Davies	Cyngor Sir Ddinbych
M Dixon	Cyngor Bwrdeistref Sirol Wrecsam
R Griffiths	Cyngor Sir Ynys Môn
J B Hughes	Cyngor Gwynedd

Hefyd yn bresennol

D Docx (Prif Swyddog Tân a Phrif Weithredwr); K Finch (Trysorydd); R Fairhead, H MacArthur ac S Millington (Prif Swyddogion Tân Cynorthwyol); S Morris (Prif Swyddog Cynorthwyol); T Williams (Rheolwr Cyfathrebu Corfforaethol); A Davies (Swyddog Cyswllt Aelodau).

1 YMDDIHEURIADAU

Y Cyng. M Bateman	Cyngor Sir y Fflint
Y Cyng. R Parry	Cyngor Bwrdeistref Sirol Conwy
Y Cyng. A Tansley	Cyngor Bwrdeistref Sirol Conwy
Y Cyng. R Roberts	Cyngor Bwrdeistref Sirol Wrecsam
C Everett	Clerc i'r Awdurdod

2 DATGAN BUDDIANNAU

2.1 Ni ddatganwyd unrhyw fuddiannau.

3 RHYBUDD O FATERION BRYD

3.1 Dim.

4 COFNODION Y CYFARFOD A GYNHALIWYD AR 10 MAI 2021

4.1 Cafodd cofnodion cyfarfod y Panel Gweithredol a gynhaliwyd ar 10 Mai 2021 eu cyflwyno i'w cymeradwyo.

4.2 **PENDERFYNWYD cymeradwyo cofnodion y cyfarfod yn gofnod gwir a chywir.**

5 MATERION YN CODI

5.1 ESMCP – yn y cyfarfod diwethaf, roedd yr Aelodau wedi cael gwybod am yr oedi yn y prosiect sy'n cael ei gynnal ar lefel y DU gyfan, bod y contract presennol gydag Airwave wedi cael ei ymestyn tan 2026 ac y rhagwelid y byddai Llywodraeth Cymru yn parhau i'w ariannu tan 2026. Rhoddodd y Prif Swyddog Tân wybod i'r Aelodau fod mater ariannu, a'r cynnydd tebygol yn y gost oherwydd bod y system yn mynd yn hen, wedi cael ei godi yn Fforwm Ymgynghorol yr Awdurdodau Tân ac Achub ar 21 Gorffennaf. Roedd y Dirprwy Weinidog wedi cytuno i ystyried cynyddu'r grant, a chaiff ei hymateb ei adrodd i'r Aelodau yn y cyfarfod nesaf.

5.2 **PENDERFYNWYD nodi'r wybodaeth.**

6 Y DIWEDDARAF AM COVID-19

6.1 Gofynnodd y Cadeirydd i'r PSTC Fairhead, cyn yr wybodaeth am faterion COVID-19, roi golwg gyffredinol ar y gweithgarwch o ran digwyddiadau dros y penwythnos.

6.2 Nodwyd bod yr holl wasanaethau brys yn gweld cynnydd yn y gweithgarwch oherwydd bod pobl yn cael gwyliau'n nes at gartref ac oherwydd y tywydd cynnes. Ymysg y digwyddiadau yr aethpwyd atynt, roedd dau dân damweiniol mewn cartrefi lle roedd pobl oedrannus yn byw ar eu pen eu hunain ac yn cael eu categoreiddio fel oedolion yn agored i niwed. Ni chafwyd anafiadau difrifol a chafodd y tanau eu diffodd yn gyflym. Fodd bynnag, mae hyn yn tynnu sylw eto at bwysigrwydd gweithio mewn partneriaeth a pharhau â'r ymdrechion i weithio ag asiantaethau sydd mewn cysylltiad yn ddyddiol â phobl fregus er mwyn cadw pobl yn ddiogel yn eu cartrefi. Bydd archwiliadau diogel ac iach yn cael eu cynnal gyda'r unigolion yma heddiw er mwyn darparu ymyriadau pellach a chynghor er mwyn atal yr un peth rhag digwydd eto. Cyfeiriodd y PSTC at y diffoddwyr tân amser cyflawn ac ar-alwad sydd wedi gweithio'n galed i gyd mewn tywydd eithafol, ynghyd ag at broffesiynoldeb staff yr Ystafell Reoli a fu wrthi drwy gydol y penwythnos prysur yn monitro argaeledd y peiriannau ledled Gogledd Cymru ac yn sicrhau bod digon o beiriannau yn y manau cywir i barhau i ddiogelu'r bobl sy'n byw ac yn gweithio yng Ngogledd Cymru yn ogystal â'r rhai a oedd yn ymweld â'r ardal.

6.3 Rhoddodd y PSTC Fairhead wybodaeth am effaith COVID-19 ar y Gwasanaeth yn ddiweddar. Er y bu cynnydd yn nifer yr achosion a bod mwy o bobl yn gorfod hunanynysu yn sgil y system Profi ac Orlhain, mae'r Gwasanaeth yn parhau â'i fwriad strategol i gadw'r gweithlu a'r gymuned yn ddiogel. Bydd y mesurau diogelwch Covid sydd yn eu lle ar hyn o bryd yn parhau cyhyd ag y bo angen er mwyn sicrhau bod gwasanaethau tân ac achub yn parhau i gael eu darparu i bobl Gogledd Cymru.

6.4 Mynegodd yr Aelodau eu diolch i'r holl staff a chriwiau a fu'n gweithio'n ddiflino dros y penwythnos. O ran gweithio mewn partneriaeth a chanfod pobl agored i niwed yng nghymunedau Gogledd Cymru, gofynnodd y Cadeirydd i'r holl Aelodau gysylltu â'u Haelod Cabinet dros Ofal Cymdeithasol i rannu'r wybodaeth am archwiliadau diogel ac iach i'r holl staff gofal cymdeithasol yn eu hawdurdodau cyfansoddol.

6.5 **PENDERFYNWYD nodi'r wybodaeth a ddarparwyd.**

7 DATGANIAD O GYFRIFON A DATGANIAD LLYWODRAETHU BLYNYDDOL 2020/21

7.1 Rhoddodd Matthew Edwards o Archwilio Cymru wybodaeth ar lafar am y sefyllfa ddiweddaraf o ran cymeradwyo datganiad o gyfrifon 2020/21. Dywedodd fod swyddogion Archwilio Cymru yn dal i gael trafodaethau â rheolwyr GTAGC am nifer o faterion felly nid oeddent yn gallu darparu barn archwilio eto. Nodwyd bod Rheoliadau Cyfrifon ac Archwilio (Coronafeirws) (Diwygio) 2020 Rhif 404 wedi ymestyn dyddiad cyhoeddi'r Cyfrifon i 30 Tachwedd. Cadarnhaodd Mr Edwards y bydd barn arfaethedig Archwilio Cymru ar gael ar gyfer y cyfarfod nesaf o'r Pwyllgor Archwilio ac y bydd yn barod i gael ei chymeradwyo'n derfynol yn y cyfarfod nesaf o'r Panel Gweithredol ar 18 Hydref.

7.2 **PENDERFYNWYD nodi'r wybodaeth.**

8 MONITRO PERFFORMIAD EBRILL 2021 – MEHEFIN 2021

8.1 Fe wnaeth y PSC Morris gyflwyno'r adroddiad a oedd yn rhoi gwybodaeth am weithgarwch y Gwasanaeth yn ystod chwarter cyntaf blwyddyn ariannol 2021/22, am y perfformiad mewn perthynas â'r amcanion gwella a llesiant, ac am weithgareddau nodedig eraill o ran digwyddiadau.

8.2 Tynnwyd sylw'r Aelodau am yr ystadegau canlynol:

- roedd y Gwasanaeth wedi mynd at gyfanswm cyfunol o 1,320 o ddigwyddiadau brys a galwadau diangen, ac roedd hyn 4.2% yn is na'r 1,378 yn yr un cyfnod y llynedd;
- roedd nifer y tanau yn yr awyr agored wedi gostwng o 399 i 294 o gymharu â'r un cyfnod y llynedd;
- fe wnaeth y galwadau diangen yr aethpwyd atynt ostwng 5.9%, sef o 629 yn chwarter cyntaf 2020/21 i 592 yn y cyfnod adrodd hwn;

8.3 Nodwyd bod nifer y tanau damweiniol mewn cartrefi 9 (8.7%) yn fwy, er nad oedd hyn yn gynnydd mawr yr oedd yn gynnydd er hynny, a bydd y Gwasanaeth yn ceisio ymgysylltu â'r cyhoedd i sicrhau nad yw hyn yn parhau i gynyddu dros amser.

8.4 O ran gwaith ataliol y Gwasanaeth, a gan fod rhai o gyfyngiadau'r pandemig wedi'u codi, roedd y Gwasanaeth wedi cynnal 2,547 o archwiliadau diogel ac iach yn ystod y chwarter cyntaf; mae hyn yn llai nag yn yr un cyfnod y llynedd. Nodwyd hefyd fod nifer yr archwiliadau a gynhaliwyd wyneb yn wyneb yn is oherwydd cyfyngiadau'r pandemig ar gysylltiad cymdeithasol, a oedd wedi arwain at gynnal y rhan fwyaf o archwiliadau dros y ffôn.

8.5 I ymateb i gais, cytunodd y PSC Morris i roi rhagor o fanylion mewn cyfarfod yn y dyfodol ynglŷn â'r hyn sy'n achosi tanau damweiniol mewn cartrefi.

8.6 **PENDERFYNWYD nodi cynnwys yr adroddiad monitro perfformiad.**

9 PENODI I SWYDDI'R SWYDDOG MONITRO A THRYSORYDD

9.1 Fe wnaeth y PST gyflwyno'r adroddiad a oedd yn rhoi gwybod i'r Aelodau am ofynion swyddi statudol y Swyddog Monitro a'r Trysorydd ac i geisio cymeradwyaeth i ddechrau ar broses gystadleuol i benodi iddynt, gan ddod i rym ar 1 Ebrill 2022.

9.2 Esboniodd y PST fod Colin Everett wedi mynegi ei fwriad i ymddiswyddo fel Swyddog Monitro yr Awdurdod ar yr un pryd ag y bydd yn ymddiswyddo fel Prif Weithredwr Cyngor Sir y Fflint. Mae'r contract presennol yn cynnwys darparu dirprwy Swyddog Monitro a chaiff y gwasanaethau hyn eu darparu gan Gareth Owens, Swyddog Monitro Cyngor Sir y Fflint. Y bwriad yw gofyn i Gareth Owens barhau i gyflawni cyfrifoldebau'r Swyddog Monitro tan 1 Ebrill 2022.

9.3 Mae Ken Finch, sydd wedi gwasanaethu fel Trysorydd yr Awdurdod ers ei greu yn 1996, hefyd wedi cyhoeddi i fwriad i gamu i lawr o'r swydd tuag at ddiwedd y flwyddyn.

9.4 Gan mai swyddi statudol yw'r ddwy swydd, sef Swyddog Monitro a Thrysorydd, a bod rhaid iddynt gael eu dal gan unigolion a gaiff eu henwi ac sydd â'r wybodaeth, y sgiliau a'r profiad perthnasol, cytunodd yr Aelodau y dylid cynnal proses benodi gystadleuol. Dan delerau cyfansoddiad yr Awdurdod, nodwyd y dylai'r broses benodi gael ei goruchwyllo gan bwyllgor a sefydlir ar gyfer y pwrpas hwnnw. Bydd y penodiadau'n destun cymeradwyaeth yr Awdurdod llawn yn dilyn argymhellid y pwyllgor hwnnw.

9.5 Cynigiodd y Cadeirydd fod y panel penodi yn cynnwys:

- Y Cyng. Peter Lewis, Cadeirydd yr Awdurdod
- Y Cyng. Dylan Rees, Dirprwy Gadeirydd yr Awdurdod
- Y Cyng. Bryan Apsley, Cadeirydd y Pwyllgor Archwilio
- Y Cyng. Owen Thomas, Dirprwy Gadeirydd y Pwyllgor Archwilio

a dau Aelod o'r awdurdodau cyfansoddol sydd heb eu cynrychioli eisoes, sef Sir Ddinbych a Gwynedd - yr enwau i'w cadarnhau.

9.6 **PENDERFYNWYD**

- (i) **nodi'r gofyniad i'r Awdurdod benodi i swyddi statudol y Trysorydd a'r Swyddog Monitro, a chymeradwyo dechrau ar broses gystadleuol i benodi i'r swyddi hynny, gan ddod i rym ar 1 Ebrill 2022.**
- (ii) **cytuno ar y panel penodi a nodir uchod.**